

Caritas Bizkaiak arreta ematen dien eta baliabide nahikorik ez duten familiei, zirkuitu "normalizatueta" oinarrizko kontsumo produktuak eskaintzen jarraitzeko

CARITAS BIZKAIK, EROSKI FUNDAZIOAK ETA LABORAL KUTXAK LANKIDETZA HITZARMENA BERRITU DUTE CARITASEK LAGUNDUTAKO PERTSONEI "JANARI TXARTELA" EMATEKO

- Hiru erakundeek elkarlanarekin eta gizartearekin duten konpromisoa indartu dute berriz ere. Aliantza honekin duela zazpi urte baino gehiago martxan jarri zen proiektua berritu dute 2016rako. Horri esker asetzen dituzte Caritas Bizkaiak laguntzen dituen gizarte-bazterkeria egoeran edo arriskuan dauden pertsona eta familien beharrak.
- Janari txartelen bidez, pertsona horiek oinarrizko beharrizanak estaltzeko aukera dute, laguntza-prozesuaren barruan duintasuna mantendu eta aukeratzeko askatasuna emanaz.
- EROSKIK eta LABORAL KUTXAK elkartasun ekintza honetarako azpiegitura jartzen dute eta gainera diru-ekarpen osagarria egiten dute, Caritas BIZKAIAREN gain.
- CARITAS BIZKAIK, bere aldetik, harreran bere "gizarte-ekintza" ereduari jarraiki artatzen dituen familien artean banatuko du. Baliabide hori, egoerarik zailenetan dauden familientzako ohiko oinarrizko beharrak asetzeko laguntzei gehituko zaie.
- Janari txartelak EROSKI kooperatibaren Bizkaiko edozein saltokitan trukatu daitezke.
- Gainera, datozen hiletan "DIRU-ZORRO TXARTELA" ezartzen joatea aurreikusitako da, tresna duinagoa eta normalizazioan lagunduko duena. Apurka-apurka egungo sistema ordezkatuko du.

Bilbon, 2016ko otsailaren 19ean - CARITAS BIZKAIK, EROSKIK ETA LABORAL KUTXAK berriro lagunduko diete -gizarte-bazterkeria egoeran edo arriskuan- oinarrizko beharrianetarako baliabiderik ez dutenei. Helburu horretarako, laugarrenez lankidetzaz hitzarmena sinatu da, aurrez 2009an sinatu eta hiru aldiz berri dena (2012, 2014 eta 2015). Horren bidez "janari txartelak" emango zaizkie Caritas Bizkaiako Harreretan artatutako pertsonen artean irizpideak betetzen dituztenei; txartel horiek EROSKI kooperatibaren Bizkaiko edozein establezimendutan trukatu ahal izango dituzte.

Elkartasun ekintza honetarako beharrezkoa den azpiegituraz gain, EROSKIK eta LABORAL KUTXAK aparteko diru-ekarpina egingo diote Caritas BIZKAIARI proiektu honetarako.

Helburu nagusia zera da: Caritas Bizkaiak arreta ematen dien eta baliabide nahikorik ez duten familiei oinarrizko kontsumo produktuak "normalizatutako" zirkuituen bidez eskaintzea; hala ere, proiektu honen bidez -2009an martxan jarri zenetik-, oinarrizko beharrianak asetzeko bidea normalizatu nahi da; ez, ordea, asistentzia hutsaren ikuspegitik, bazterkeria egoeran edo arriskuan dauden pertsonak integratzeko eta gizarteratzeko prozesu zabalagoetan txertatuta baizik.

Janari Txartelak:

"Janari Txartelak" emateko eta kontrolatzeko prozesuan inplikaturik dauden alderdi guztiek hartzen dute parte. Alde batetik, Caritas BIZKAIK bere harreretan laguntza eskatzen duten pertsonen edo familien buruzko informazioa jasotzen du, ezarritako baldintzak betetzen dituzten jakiteko. Harreretako boluntario taldeek eskaerak jaso eta onuradunak onartu ondoren, gizarte langile batek prozesu guztiaren jarraipena egiten du, ekimen honek behar bezala funtzionatzen duela egiaztatzeko.

EROSKIK, bere aldetik, proiekturako diru-ekarpina egiteaz gain, bere sistema informatikoak jarriko ditu, oinarri-oinarrizko elikagaiak eta higiene produktuak soilik trukatu ahal izateko.

Azkenik, LABORAL KUTXAK, diru-ekarpina egiteaz gain, finantza-egitura jarriko du proiektu honen zerbitzura Bizkaia osoan.

"Janari txartelak" 30 eta 50 euro bitarteko balioa izango dute, eta iraungitze-data sei hilabete eta urtebete bitartekoa izango da, eta Caritas Bizkaiak zigilua jartzeaz gain, Caritasen "desbideratze agiria" izango dute erantsita, pertsonaren datuekin. Hilean 60 eurotik 110era bitarteko laguntzak izango dira familia bakoitzeko -familiako kide kopuruaren eta egoeraren arabera-, gehienez ere sei hilabeterako, eta salbuespenezko kasuetan bakarrik luzatu ahal izango dira. Caritas Bizkaiak baloratuko du -bere harreraren bidez- familia bakoitzaren egoera,

baldintzak betetzen ote dituen jakiteko eta -betetzen baditu- laguntzaren zenbatekoa zehazteko.

Txartelak elikadura eta higiene arloko oinarrizko beharrianetarako produktuak erosteko soilik izango dira; gainerako produktu guztiak, beraz, salbuetsita daude.

“DIRU-ZORRO TXARTEL” BERRIA EZARRIKO DA APURKA-APURKA:

Gainera, datozen hiletan “DIRU-ZORRO TXARTELA” ezarriko dela aurreikusi da. Sistema moderno eta erraza da, eta gainera, aipatutako tresna are gehiago duintzeko aukera emango du, gizarte-bazterkeria egoeran edo arriskuan dauden pertsonak erabiltzeko. Tresna berriak perezko txartelak ordezkatzeko ditu apurka-apurka.

CARITAS BIZKAIA:

Caritas Elizbarrutiaren gizarte eta karitate erakundea da, eta Bizkaia osoan bazterkeria arriskuan dauden pertsonen laguntza du helburu. Horretarako, gizarte esku-hartzerako arlo desberdinak ditu: harrera, arropa, familia-gizarteratzea, haurtzarora, edadetuak, laneratzea (enplegua), etxerik gabeko pertsonak, adikzioak, zerbitzu juridiko eta psikologikoak, etab. Horrez gain, nazioarteko kooperazioa, komunitate-animazioa, sentsibilizazioa, boluntarioria, ikerketa... Nolanahi ere, Caritasen azken helburua bat eta bera da orain dela 50 urte sortu zenetik: Justiziaren alde lan egitea; gure gizartea eraldatu eta gizarte justuagoa lortzea, berdintasunean eta anaitasunean oinarrituta, non pertsona guztiek -bazterkeriarik gabe- beren lekua izango duten.

2015ean, Caritasen bazterkeria egoeran edo arriskuan dauden ia 11.500 pertsona eta familia artatu zituen Bizkaian; 2007an krisia hasi zenetik, %50 hazi da, batez ere -urte hauetan- premiazko laguntza eskarrietan (janaria, arropa, etxebizitza...) eta enpleguan. Gainera, pobrezia eta gizarte-bazterkeria egoerak kroniko bihurtzen ari direla salatu nahi dute.

EROSKI:

EROSKI izaera kooperatiboko lehen banaketa taldea da Espainian eta elikadura-banatzailer nagusia Bizkaian. Kontsumo kooperatiba den heinean, EROSKIREN helburua ere bada gizarte bidezkoago eta kohesionatuago bat lortzen laguntzea, osasun eta ongizate kuota handiagoekin. Jarduera honen zati handi bat EROSKI Fundazioaren izenean egiten da, gizarte ekintza arloko hainbat ekimenen bidez, hala nola elikadura osasungarriaren, kontsumitzaileen prestakuntzaren, iraunkortasunaren eta elkartasunaren arloan.

LABORAL KUTXA:

LABORAL Kutxa Mondragon Korporazioaren barneko kreditu kooperatiba bat da eta 50 urtetik gorako historia dauka. Finantza arloko jarduerak burutzen ditu, 1.200.000 familia eta enpresari baino gehiagori produktu eta zerbitzuak eskainiz. Bere oinarriak honakoak dira: soldata arloko elkartasuna eta langileek kudeaketa lanean parte hartzea; izan ere, azken horiek erakundearen jabe-bazkideak dira. LABORAL Kutxak urteko etekinen %25a inbertitzen du berriro ere gizartean, gutxieneko eskakizunen oso gaintetik dagoen kopurua. Garatzen duen askotariko gizarte-lanaren barruan, "Gaztenpresa" fundazioa aipatu behar dugu; izan ere, 1994an sortu zenetik, 4.100 enpresa eta 7.300 enplegu sortzeko laguntza eman du. Informazio gehiago duzu eskuragarri hemen: www.laboralkutxa.com

Honakoek sinatu dute hitzarmenaren berriztatzea:

- ✓ CARLOS BARGOS CUCÓ Jauna, Bilboko Elizbarrutiko Caritaseko Zuzendaria.
- ✓ ALEJANDRO MARTÍNEZ BERRIOCHOA Jauna, Eroski Fundazioko Zuzendaria.
- ✓ JOSÉ RAMÓN TARANCO Jauna, Laboral Kutxako Gizarte-Ekintza Zuzendaria.